

I NÙZZELE

Ére nu júche ca se facéve nd'a state, sópe i marciapíde (nuje ausavame u marciapíde de Sandandúne che ére bbèlle larghe) ch'i nùzzele de cresommele o percuchèlle.

Se pegghjave nu cucciutille de cunzèrve vacande (deffecíle da truuà pe quilli tímbe), se jenghéve mizze cucciutille e se acciaccave che nu pesckóne facénnele devendà cúme 'na pìzze.

I jucatúre putévene èsse duje o cchjù.

I nùzzele, n'u nnumere stabbelíte da i jucatúre, se mettévene affelarate.

Se menave u túcche e u prime che asscéve, menave u cucciutille acciaccate da 'na destanze stabbelíte.

U jucatóre facéve ssciulà u cucciutille sópe i matunèlle p'accogghje i nùzzele affelarate.

I nùzzele sbalijate venévene vìnde.

Quase sèmbè, all'inìzzeje d'a file di nùzzele se mettéve vúne grusse che se chiamave **u nghipò** e si quacche jucatóre che 'na sola bbotte u sbalijave, vengéve tutta 'a file di nùzzele.

I nùzzele vìnde s'arrecugghjévene da ndèrre e se mettévene nda 'na vécchja cavezètte che facéve da sacchettèlle.

U júche fenéve quanne i jucatúre venévene scupalate de tutt'i nùzzele.